



Broj: 02-11-987/23-AP-1
Datum: 27.06.2023. godine

Na osnovu Uredbe o uslovima i postupku za dodjelu potpore male vrijednosti-deminimis potpora („Službene novine Federacije Bosne i Hercegovine“, broj: 27/18), a u skladu sa Odlukom o davanju saglasnosti na Program utroška sredstava sa „Transfera za subvencije privredi i za zapošljavanje za 2023. godinu“ („Službeni glasnik Grada Zavidovići“, broj: 6/23), Gradonačelnik Grada Zavidovići, raspisuje

**JAVNI POZIV
PODUZETNICIMA/PODUZETNICAMA ZA DODJELU POTICAJA PRIVREDE NA
PODRUČJU GRADA ZAVIDOVIĆI ZA 2023. GODINU**

PROGRAM REDOVNIH POTICAJA PRIVREDI

Ovaj javni poziv se odnosi isključivo na mikro, male i srednje subjekte male privrede prema članu 4. stav (1) tačka a), b) i c) Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), a u zavisnosti od mjere na koju se prijavljuju.

Subjeksi male privrede se definišu na slijedeći način:

a) mikro subjeksi male privrede su fizička i pravna lica koja zapošljavaju prosječno godišnje devet i manje lica i čiji je ukupni godišnji prihod i/ili čiji je ukupni bilans stanja manji od 3.900.000,00 konvertibilnih maraka,

b) mali subjeksi male privrede su fizička i pravna lica koja zapošljavaju prosječno godišnje od 10 do 49 lica i čiji je ukupni godišnji prihod i/ili čiji je ukupni godišnji bilans stanja manji od 19.500.000,00 konvertibilnih maraka i

c) srednji subjeksi male privrede su fizička i pravna lica koja zapošljavaju prosječno godišnje od 50 do 250 lica i čiji je ukupni godišnji prihod manji od 97.500.000,00 konvertibilnih maraka i/ili čiji je ukupni godišnji bilans stanja manji od 84.000.000,00 konvertibilnih maraka

Poticaji se dodjeljuju kroz 5 mjera:

- 1. Subvencioniranje unapređenja poslovanja,**
- 2. Subvencioniranje kamatne stope za poduzetničke kredite,**
- 3. Razvoj poduzetništva žena,**
- 4. Subvencioniranje troškova kupovine stalnih sredstava (vozila za vlastite potrebe za registrovanu djelatnost, teretna vozila i radne mašine),**

5. Subvencioniranje troškova obuke novozaposlenih pri prvom zaposlenju za poslove u proizvodnim djelatnostima.

Mikro i mali subjekti male privrede imaju pravo prijave za svaku poticajnu mjeru, dok srednji subjekti male privrede imaju pravo prijave za poticajne mjere 1. i 2.

Mjera 1.	Subvencioniranje unapređenja poslovanja
Ciljevi	Poticanje konkurentnosti proizvoda i usluga, razvojnog istraživanja, te unapređenja tehnoloških postupaka u svrhu zaštite okoliša, proširenja ponude, poboljšanja kvalitete i uspješnosti, novog zapošljavanja i očuvanja radnih mjesta.
Nosilac	Grad Zavidovići, Služba za upravu privrede, lokalni razvoj, infrastrukturu i međunarodnu saradnju.
Korisnici	Mikro, mali i srednji subjekti male privrede definisani članom 4. stav (1), tačka a), b) i c) Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), koji su u cijelosti u privatnom vlasništvu, sa sjedištem na području grada Zavidovići.
Provođenje	Subvencija nabavke opreme, mašina i alata, inventara i radovi na uređenju poslovnog prostora koji povećavaju kvalitet i vrijednost (izgradnja novih kapaciteta i investiciono održavanje), te izradu web stranice i vizualnog identiteta subjekta u visini od 40% troškova nastalih od 18.06.2022. godine , a najviše 2.500,00 KM po zahtjevu, odnosno u iznosu utvrđenom ovim Programom.
Izuzeće	Troškovi za kupovinu vozila, najma poslovnog prostora, sitnog alata i inventara, repromaterijala, troškovi osnivanja odnosno registracije i osnivački kapital za privredna društva neće se priznati.

Mjera 2.	Subvencioniranje kamatne stope za poduzetničke kredite
Ciljevi	Cilj je financiranje programa razvoja poduzetništva i mikro i malih preduzeća po povoljnijim uvjetima, očuvanje poslovanja, zadržavanje postojećih i otvaranje novih radnih mjesta subjekata male privrede, posebno u uslovima nedovoljnog privrednog rasta.
Nosilac	Grad Zavidovići, Služba za upravu privrede, lokalni razvoj, infrastrukturu i međunarodnu saradnju.
Korisnici	Mikro, mali i srednji subjekti male privrede definisani članom 4. stav (1), tačka a), b) i c) Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), koji su u cijelosti u privatnom vlasništvu, sa sjedištem na području grada Zavidovići.
Provođenje	Subvencija kamatne stope za kredite uzete od 18.06.2022. godine do 4 procentna poena za poduzetničke kredite, a najviše do iznosa od 5.000,00 KM na godišnjem nivou.

Mjera 3.	Razvoj poduzetništva žena
Ciljevi	Promocija poduzetništva žena, ekonomsko osnaživanje žena uključivanjem u poduzetničku aktivnost.
Nosilac	Grad Zavidovići, Služba za upravu privrede, lokalni razvoj, infrastrukturu i međunarodnu saradnju.

Korisnici	Mikro i mali subjekti male privrede definisani članom 4. stav (1), tačka a) i b) Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), koji su u cijelosti u privatnom vlasništvu i čiji su vlasnici žene poduzetnice, sa sjedištem na području grada Zavidovići.
Provođenje	Subvencija ulaganja u projekte poduzetništva žena sa svrhom tehnološkog unapređenja poslovanja: sufinansiranje nabavke opreme, alata i inventara, sufinansiranje uređenja poslovnog prostora/radionice, sufinansiranje nabavke informatičke opreme i poslovnog softvera, te izradu web stranice i vizualnog identiteta subjekta u visini od <u>50% troškova nastalih od 18.06.2022. godine, ili sufinansiranje nabavke u iznosu od 50% ukupnih troškova uz prethodno plaćeni avans u iznosu od 50% troškova,</u> potpora može iznositi najviše 3.000,00 KM po zahtjevu.
Izuzće	Troškovi za kupovinu vozila, najma poslovnog prostora, sitnog alata i inventara, repromaterijala, troškovi osnivanja odnosno registracije i osnivački kapital za privredna društva neće se priznati.

Mjera 4.	Subvencioniranje troškova kupovine stalnih sredstava (vozila za vlastite potrebe za registrovanu djelatnost, teretna vozila i radne mašine)
Ciljevi	Produktivnije poslovanje i rast privrednih aktivnosti, nabavka stalnih sredstava, na način koji omogućava stabilizaciju i povećanje obima proizvodnje i/ili usluga
Nosilac	Grad Zavidovići, Služba za upravu privrede, lokalni razvoj, infrastrukturu i međunarodnu saradnju
Korisnici	Mikro i mali subjekti male privrede definisani članom 4. stav (1), tačka a) i b) Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), koji su u cijelosti u privatnom vlasništvu, sa sjedištem na području grada Zavidovići.
Provođenje	Subvencioniranje dijela troškova kupovine stalnih sredstava (vozila za vlastite potrebe za registrovanu djelatnost, radne mašine, teretna vozila) fizičkim i pravnim licima u visini od <u>30% troškova nastalih od 18.06.2022.godine,</u> odnosno, podrška može iznositi najviše 3.000,00 KM po zahtjevu.
Izuzće	Troškovi za kupovinu ličnih vozila i vozila za cestovni prevoz tereta privrednim subjektima koji obavljaju cestovni prevoz tereta za najam ili naknadu neće se priznati.

Mjera 5.	Subvencioniranje troškova obuke novozaposlenih pri prvom zaposlenju za poslove u proizvodnim djelatnostima
Ciljevi	Poticanje novog zapošljavanja i kreiranja novih radnih mjesta
Nosilac	Grad Zavidovići, Služba za upravu privrede, lokalni razvoj, infrastrukturu i međunarodnu saradnju
Korisnici	Mikro i mali subjekti male privrede definisani članom 4. stav (1), tačka a), b) i c) Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), koji su u cijelosti u privatnom vlasništvu, sa sjedištem na području grada Zavidovići.

Provođenje	Subvencioniranjem troškova obuke novozaposlenih pri prvom zaposlenju za poslove u proizvodnim djelatnostima omogućava se poslodavcima koji imaju potrebu za novim zapošljavanjem, da koriste radnu snagu koja se nalazi na Birou za zapošljavanje, a koja nema potrebno radno iskustvo. Takođe, ova mjera će jačati konkurentnost na tržištu rada i povećati kompetencije radne snage. Iznos poticaja po jednom novozaposlenom iznosi 100,00 KM mjesečno do kraja 2023. godine, a najviše 3.000,00 KM po poslovnom subjektu, bez obzira na broj zaposlenih.
Izuzeeće	Subvencioniranje troškova obuke novozaposlenih pri prvom zaposlenju za poslove u proizvodnim djelatnostima se neće vršiti za zapošljavanje osoba starijih od 35. godina.

PLANIRANA RASPODJELA SREDSTAVA

	PLANIRANO PROGRAMOM	TEKUĆI TRANSFER ZA SUBVENCIJE PRIVREDI I ZA ZAPOŠLJAVANJE	
1.	Mjera 1.	Subvencioniranje unapređenja poslovanja	54.000,00
2.	Mjera 2.	Subvencioniranje kamatne stope za poduzetničke kredite	5.223,47
3.	Mjera 3.	Razvoj ženskog poduzetništva	35.000,00
4.	Mjera 4.	Subvencioniranje troškova kupovine stalnih sredstava (vozila za vlastite potrebe za registrovanu djelatnost, teretna vozila i radne mašine)	15.000,00
5.	Mjera 5.	Subvencioniranje troškova obuke novozaposlenih pri prvom zaposlenju za poslove u proizvodnim djelatnostima	9.000,00
UKUPNO:			118.223,47

POSTUPAK PODNOŠENJA ZAHTJEVA

Prijava se podnosi na propisanom aplikacionom obrascu za svaku mjeru posebno, sa navedenom pratećom dokumentacijom.

Ovaj Javni poziv objavljuje se na web stranicama Grada Zavidovići: www.zavidovici.ba www.zavidovici.ba/centarzainvestitore/ i Oglasnoj ploči Grada Zavidovići.

Obrasce zahtjeva za dodjelu poticaja, te predmetni Javni poziv moguće je preuzeti na info šalteru Grada Zavidovići ili u Službi za upravu privrede, lokalni razvoj, infrastrukturu i međunarodnu saradnju, te na web stranicama Grada Zavidovići, www.zavidovici.ba i www.zavidovici.ba/centarzainvestitore/. Ostale informacije mogu se zatražiti na telefonskom broju: 032/ 206-749 i 032/206-753.

Zahtjev za dodjelu poticaja sa potrebnom dokumentacijom dostavlja se na pisarnicu Grada Zavidovići, lično ili poštom na adresu:

GRAD ZAVIDOVIĆI

Komisija za ocjenu zahtjeva za dodjelu poticaja privrede na području grada Zavidovići –

Mjera broj: ___

ul. Mehmed paše Sokolovića br.9

72220 Zavidovići

Poziv ostaje otvoren 30 dana, odnosno do 31.07.2023. godine u 15.30.

Korisnici poticaja u trenutku podnošenja Zahtjeva za dodjelu poticaja ne smiju imati nepodmirenih dospjelih dugovanja prema Gradu Zavidovići. Sredstva za mjere 1., 2., 3. i 4. po ovom Javnom pozivu dodjeljuju se isključivo za troškove sa datumom fakture ili druge tražene dokazne dokumentacije (za pravdanje troškova) od 18.06.2022. godine (uključujući i 18.06.2022. godine), osim ukoliko svakom pojedinom mjerom ovog Javnog poziva nije određeno drugačije. Svi troškovi koji su predmet zahtjeva za poticaj moraju biti plaćeni do momenta apliciranja na poticaj.

U slučaju da aplikant ima neizmirenih dospjelih dugovanja prema Gradu Zavidovići, a što će Služba za upravu privrede, lokalni razvoj, infrastrukturu i međunarodnu saradnju po službenoj dužnosti provjeriti, isti će biti obaviješten da u roku od 8 dana izmiri dospjela dugovanja, te ukoliko to ne učini, zahtjev za poticaj će biti odbačen kao nepotpun.

Gradonačelnik po ukazanoj potrebi i iz objektivnih razloga, a prije svega u slučaju da se na određenim stavkama ne utroše planirana sredstva, može izvršiti preraspodjelu sredstava prema utvrđenim pozicijama raspodjele sredstava, odnosno preusmjeriti neutrošena sredstva za dodatnu realizaciju ostalih mjera definisanih ovim pozivom.

U slučaju da za određenu mjeru pristigne veći broj prijava, tako da se ni putem preraspodjele sredstava ne može osigurati iznos koji je određen za poticaj, poticajna sredstva će se dijeliti srazmjerno u odnosu na pristigle prijave.

Prilikom realizacije sredstava, dodjele poticaja, prednost pri dodjeli poticajnih sredstava u punom iznosu imaju mikro i mali subjekti male privrede u odnosu na srednje subjekte male privrede u vlasništvu mladih koji u skladu sa Zakonom o mladima Federacija BiH („Službene novine FBiH“, broj: 36/10) čine osobe životne dobi do navršenih 30 godina starosti, što znači da će se prvo dodjeljivati poticaji mikro i malim subjektima u punom iznosu odnosno srazmjerno pristiglim prijavama, a ostatak srednjim subjektima male privrede u vlasništvu mladih.

Svaki aplikant može izvršiti prijavu poticaja za najviše dvije definisane mjere; aplikant se ne može prijaviti za dvije mjere na osnovu iste dostavljene dokumentacije kojom se dokazuje ispunjavanje uslova Javnog poziva.

Kao dokaz o nabavljenoj robi, radovima ili usluzi neće se priznavati računi ili ugovori nastali između povezanih lica, definisanih Zakonom o privrednim društvima Federacije Bosne i Hercegovine.

U slučaju ponovljenog javnog poziva zbog neutroška sredstava predviđenih Transferom za subvencije privredi i za zapošljavanje, privredni subjekti kojima je odobren poticaj za dvije mjere za 2023. godinu nemaju pravo ponovo aplicirati za dodjelu poticaja, dok privredni subjekti kojima je odobren poticaj za jednu mjeru za 2023. godinu mogu izvršiti prijavu za jednu od mjera po kojoj im nije odobren poticaj.

Subvencije se dodjeljuju privrednim subjektima osim za djelatnosti:

-koji djeluju u sektorima ribarstva i akvakulture;

-koji djeluju u sektoru poljoprivrede;

-za djelatnosti usmjerene izvozu.

Komisija za ocjenu zahtjeva za dodjelu poticaja privrede na području grada Zavidovići za

2023. godinu (dalje u tekstu: Komisija), koju imenuje Gradonačelnik, može zatražiti i dodatnu dokumentaciju, koju su korisnici poticaja dužni dostaviti u naznačenom roku, u protivnom takav zahtjev će se smatrati nepotpunim i isti će biti odbačen kao nepotpun. Ako se prijave podnose na više mjera, svaka prijava mora imati potpunu dokumentaciju.

Sredstva poticaja uplaćuju se na žiro račun korisnika po dostavljanju zahtjevanih dokaza navedenih u obrascima za prijavu poticaja, a sve u roku od 90 dana od donošenja akta o dodjeli poticaja privrede na području Grada Zavidovići od strane Gradonačelnika, osim ako pojedinom mjerom nije određen drugi rok plaćanja.

Po uredno prispjelim Zahtjevima, Komisija cijeni ispunjenost uslova i kriterija za odobravanje sredstava i objavljuje preliminarnu listu na oglasnoj ploči i službenoj web stranici grada Zavidovići. Privredni subjekt, u cilju zaštite svojih prava može uložiti prigovor Gradonačelniku u roku od osam dana od dana objave liste. Nakon postupanja po svim prigovorima, Izvještaj, sa prijedlogom dodjele poticaja, Komisija dostavlja Gradonačelniku, koji donosi odluku o dodjeli poticaja privrede na području grada Zavidovići. Odluka će biti objavljena u službenom glasniku, web stranici i oglasnoj ploči Grada Zavidovići.

Svaki poduzetnik kojem se isplati poticaj u skladu sa ovim Javnim pozivom postaje primatelj državne pomoći male vrijednosti u skladu sa članom 2. Zakona o sistemu državne pomoći („Službeni glasnik Bosne i Hercegovine“, broj: 10/12 i 39/20), te je u obavezi prilikom predaje zahtjeva predati ispunjen, potpisan i ovjeren obrazac pod nazivom Izjava o primljenoj državnoj pomoći male vrijednosti.

U skladu sa Zakonom o slobodi pristupa informacijama (Sl. novine FBiH, broj: 32/01 i 48/11), Grad Zavidovići kao tijelo javne vlasti, obavezno je, radi upoznavanja javnosti, omogućiti pristup informacijama o svom radu pravovremenom objavom na internetskim stranicama ili u javnom glasilu. U cilju zakonom utvrđene svrhe i u interesu javnosti, Grad Zavidovići objavljuje sve donesene akte na službenoj internetskoj stranici i u službenom glasniku Grada Zavidovići. Shodno navedenom, smatraće se da je poduzetnik, podnošenjem Zahtjeva za poticaj koji sadrži njegove lične podatke, na ovaj Javni poziv, uz tražene priloge, dao dozvolu za njihovo prikupljanje, obradu i korištenje istih javnom objavom na internetskim stranicama i u službenom glasniku Grada Zavidovići, a u svrhu radi koje su prikupljeni.

PO OVLAŠTENJU GRADONAČELNIKA
broj:02-45-9/22-AP-41 od 22.04.2022 godine
SEKRETAR GRADSKOG ORGANA
DRŽAVNE SLUŽBE

Nermin Čahtarević, dipl.pravnik

